

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Materialien zum Codex Manesse - Cod. Donaueschingen 66

[S.l.], [19. Jh.]

Druck von drei Liedern Rudolfs von Fenis

[urn:nbn:de:bsz:31-36663](https://nbn-resolving.org/urn:nbn:de:bsz:31-36663)

Grave Ruodolf von Nuwenburg.

Gevvan ich ze minnen ie guoten vvan
Nu han ich von ir vverden trost noh gedingen
Wan ich envveis vvie mir sule gelingen
Sit ich si mac vveder lassen noh han
Mir ist als dem der uf den boum da stiget
Und nicht hoher mac und da mitten belibet
Und ouch mit nihte vvider komen kan
Und also die zit mit sorgen hine vertribet

Mir ist als dem der da hat gevvant
Sinen muot an ein spil und er da mitte verliuset
Und ers versvvert ze spate ers doch verkiuset
Also han ich ze spate erkant
Der grossen liste die minne vvider mich hat
Mit schonen geberden si mich zuo ir brahte
Und leitet mich als böese geltere tuot.
Der vvoll geheisset und geltes nie gedahte

Min frovve sol lan nu den gevvin
Das ich ir gediene vvan ich mac es miden
E doch bitte ich si das sis geruoche liden
So vvirret mich niht diu not die ich lidende bin
Wil aber si mich von ir vertriben
Ir schœner gruos scheidet mich von ir libe
Noh dannoch fürhte ich mere
Das si mich von allen minen freuden vertribe

Minne gebiutet mir das ich singe
Und vvil niht das mich iemer verdriesse
Nu han ich von ir vverden trost noch gedinge
Und das ich mines sanges iht geniesse
Si vvil das ich iemer diene uf einen tag
Da noch min dienst ie vil cleine vvag
Und al min stete niht gehelfen mac
Nu vvere min reht mœcht ich das ichs liesse

Es steht mir niht so ine mac es niht lassen
Das ich das herze von ir niemer bekere
Es ist ein not das ich mich niht kan massen
Ine minne si diu mich da hasset sere
Und iemer tuon svvies doch dar umbe mir ergat
Min grossü stete mich des niht erlat
Und es mich leider cleine vervat
Ist es leit doh diene ich ir iemer mere

Mit sange vvande ich mine sorge krenken
Darumbe singe ich das ich si vvolve lan
So ich ie mere singe und ir ie bas gedenken
So mugent si mit sange leider niht zergan
Wan minne hat mich braht in solhen vvan
Dem ich so liehte niht mac entvvenken
Wan ich ime lange har gevolget han

Mich vvundert vvie mich min frovve tvvinge
So sere svvenne ich verre von ir bin
So gedenke ich mir und ist min gedinge
Moehnte ich si sehen min sorge vver da hin
So ich bi ir bin des troest sich min sin
Und vvenne des das mir vvoll gelinge
Alrerst meret sich min ungevvin

So ich bi ir bin min sorge ist dest mere
Als der sich nahe bütet zuo der gluot
Der brennet sich von harte rehte sere
Ir grossü guete mir das selbe tuot
Svvenne ich bi ir bin das tödet mir den muot
Und stirbe aber rehte svvenne ich von ir kere
Wan mich das sehen dunket also guot

Faint, illegible text, likely bleed-through from the reverse side of the page. The text is arranged in several paragraphs and is too light to transcribe accurately.

Faint text at the bottom of the page, possibly a signature or a reference number.